

1621_929.jpg

Histoire de nostre temps.

919

& apres luy le Vicôte de Castets vestu d'un manteau rouge, où estendant les bras ils firent signe qu'ils vouloient parlementer: Et peu apres descendant dans le fossé, ils parlerent à M. de Montrespan que le Roy auoit enuoyé en ce quartier, le Marechal de Roquelaure estant du costé des Gardes: ils offrent de se rendre, parce qu'ils se voyent à la veille de leur ruine, & contraincts de demander la vie: Ils prient qu'on dresse des articles, ce qu'estant rapporté à sa Majesté, il leur manda qu'ils se rendissent à sa mercy, & qu'il ne leur falloit point d'articles.

Les assiégés demandent à capituler & dresser des articles, ce qui leur est refusé par le Roy.

Se rendent à la mercy du Roy.

Neantmoins sur le soir le Roy misericordieux fit promettre la vie aux Gentils-hommes en se remettant à sa mercy, & aux soldats qu'ils sortiroient le baston blanc à la main: Pour les habitants qu'il aduiferoit d'en ordonner comme il trouueroit estre bon.

Le Dimanche matin sa Majesté ayant enuoyé l'ordre qu'il vouloit qu'on tint, on fist sortir premierement les femmes & filles dans des batteaux; aucunes furent obstinées & voulurent demeurer dedans, qui s'y perdirent: car les Regiments impatiens d'attendre l'ordre d'entrer, se jetterent par les bresches, entrèrent dedans, mirent la ville au pillage, & pour signe à l'aduenir de rebellion, ils la bruslerent iusques aux fondements.


Ils sortent le baston blanc à la main.

La ville pillée & bruslée.


A l'entrée les soldats prindrent ledit Marquis de Mirambeau, le demonterent, luy enleuerent son manteau, & le traicterent si rudement, que si le Marechal de Roquelaure ny fust suruenü, il ne se pouuoit sauuer. Le Vicomte de

N n n ij

1621_241.jpg



1621_242.jpg




M. DC. XXI.


242
mons de quelques Curez, ne soient iustemēt ren-
uoyees & retorquees sur les Presches de vos Mi-
nistres; & que nostre Reformation ne se termine
plustost en imitation de ce que nous auons tant
redargué, qu'en reſtabliſſement de la pureté tant
promiſe d'un coſté, & attenduë de l'autre: & que
ceux qui la cherchent dans nos œuures, & ne la
trouuent que dans nos liures, ou au bout des le-
vres; ne diſent que l'Egliſe que nous appellons
Reformée, reſſemble aux boëtes des Droguiſtes,
qui ont de beaux eſcritaux par dehors, mais s'il
y a quelque peu de bon onguent au dedans, il y a
bien de l'ordure meſlee parmy, & les drogues
bien eſuentées.

Tenez dôc pour certain, que ne plus ne moins,
que nous, qui ſommes de deçà, tenons la Royau-
té pour la plus excellente & la plus parfaicte for-
me de gouuernement qui ſoit au monde; auſſi
demeurons nous inſeparablement attachez à lo-
beïſſance & fidelité de noſtre Roy, ſans rien ex-
cepter, ſinon ce que le Roy des Roys ſe reſerue,
& que celui qui nous repreſente icy bas ſon ima-
ge, ne nous veut pas oſter, nous en permettant
l'exercice exterieur & public auſſi libre, que le
ſentimēt interieur, qui ne ſe peut oſter ny chan-
ger autrement que par raiſon & perſuaſion. Nous
reconoïſſons, & reconoïſtrons tant que nous
reſpiterons ceſte grace que ſa M. nous oſtroie,
& la ſupplions ttes humblement, de ne la point
reuoquer pour l'ingratitude de ceux qui s'en ren-
dent indignes: eſperans auſſi que ſa Juſtice ne luy
permettra pas de faire participer à la peine ceux

1621_930.jpg



1621_243.jpg



1621_931.jpg

Histoire de nostre temps. 931

Après le corps quatre de ses Officiers vestus en dueil, & en suite enuirō cent hommes à cheval sans dueil : Il fut conduit iusques à la porte de la grande Eglise S. Gatian, où il fut receu par les Doyen & Chanoine, & mis dans le chœur où fut chanté vn *Deprofundis* en faux bourdon, & sur le soir Vigile des morts.


Au seruice qui luy fut fait le lendemain se trouuerent le Marechal de Souuré, le Marquis de Courtenvault, & le Cheualier de Souuré, le Prefidial & le Corps de ville: Le seruice finy le cercueil fut reconduit iusques à la porte en chantāt vn *Miserere* en faux bourdon, & remis dans le chariot fut porté à Maillé. Voilà quelle fut la mort, & l'enterrement de ce personnage, qui (comme l'on a escrit) auoit possédé tousiours la par-faite faueur du Roy.

Comme il auoit esté durant sa vie sujet aux rouches & attaques des liurets satiriques du temps, il le fut encores plus apres sa mort. Mesmes son Confident fut arresté prisonnier au For l'Euesque: Ce sōt des effets de la rouë de fortune.


Aussi durant ce siege de Monheur on receut les nouvelles des violences exercées à Montpelier contre les Eglises & les Catholiques, & aux autres villes de seureté du Circle du bas Languedoc. La leuée du siege de Montauban, enfla lors tellement le cœur à l'Assemblée de ce Circle qui se tenoit à Nismes (à laquelle la Prouince de Dauphiné s'estoit vnies ne faisant qu'une Assemblée,) qu'elle fulmina cōtre M. de Chastillon, & le declara priué de ses Gouvernements de Mont-

N n n iij

1621_244.jpg



1621_932.jpg



932 M. DC. XXI.


Des 36. Eglises abbatiales dans Montpellier & autres villes en Languedoc.

pellier & Aiguemortes, cōme il s'est veu par l'acte de leur Assemblée rapporté cy dessus, f. 666. Les Relations desdites violences portent, Que le iour de la Presentation nostre Dame, vn Huguenier accompagné de quelques soldats fut aux Eglises & Conuents de Montpellier, faire inhibitions & deffenses de la part de ladite Assemblée du Circle des cinq Prouinces d'y plus celebrer la Messe, ny exercer aucun acte de la Religion Catholique, Apostolique-Romaine: Ce qu'estant signifié aux Peres Capucins, ils firent response qu'ils mourroient plustost, que de s'en desister volontairement, & de fait continuerent de celebrer la Messe, confesser & cōmunier, toutesfois portes fermées, sans refuser l'ouuerture à quiconque se presentoit, & sans sonner la cloche pour euitier quelque scandale contre le pauvre peuple Catholique, & ne donner sujet aux Rebelles par des actions nō essentielles à la Religion Catholique Romaine de priuer les Catholiques des essentielles.

Que le Vendredy 3. Decembre veille sainte Barbe enuiron les 8. heures du soir, les soldats & la populace de Montpellier cōmencerent à piller & rauager l'Eglise nostre Dame, & consecutiuement toutes les autres Eglises & Conuents de Montpellier. Qu'alors les Peres de la Trinite entendant le bruit des soldats qui rompoient leurs portes s'en estoient enfuis par dessus les toits, & depuis auoient esté contrainsts de se sauuer en habits desguisez.

Qu'une heure apres les Peres Capucins furent assaillis & contrains de sortir de leur Conuent & Eglise, emportant seulement chacun d'eux leurs

1621_245.jpg



1621_933.jpg

Histoire de nostre temps.

933

escrits, avec quelques ornements de la Sacristie, & par courtoisie furent mis en garde chez vn de la Chambre des Cōptes leur voisin, d'où ils entendoient abbatre & rauager leur Eglise & leur Conuent. Qu'en toutes les autres villes du party des Rebelles on auoit abbatu aussi les Eglises, tellement qu'il y auoit eu à ceste fureur 36. Eglises des Catholiques abbatuës, & entre icelles des plus anciennes & plus belles de France.

Que le Duc de Rohan entrât dans Mōtpellier, pour estre encor General du Languedoc & Dauphiné, le peuple crioit, *Vive Rohan. Vive les Eglises.*

Que ledit Duc de Rohan auoit pensé faire surprendre quelques places aux enuirōs de Beziers, ce qui ne luy auoit reüssi, les siens y ayans laissé leurs eschelles, & leurs petardiers tuez.

Et qu'il se deuoit traicter d'vne trefue touchât le labourage en toute la Prouince, entre le Duc de Montmorancy, & le Duc de Rohan, & par mesme moyen aussi de la liberté des Peres Capucins & des autres Ecclesiastiques & habitans Catholiques detenus prisonniers dans Montpellier & ailleurs.

Le iour de la prise de Monheur le Roy eut aduis que M. de Soubize s'estoit rédu maistre dans Royan. Voicy ce qu'on en a escrit.

*Royan liuré
à M. de Soubize.*

Les perfides habitans de Royan, ayant appelé Monsieur de Soubize, firent par feinte poser des eschelles aux murailles, luy facilitant l'entrée; puis allant au Chasteau luy ouurent aussi tost les portes, avec ceste honteuse composition, que le frere du Capitaine qui estoit

Nnn iiij

Image issue du site mercurefrancois.ehess.fr - Cliché (c) Cécile Soudan